

Akit akiliisarnerlu

Kalaallit Nunaanni qulimiguulinnut aamma sulusalinnullu mittarfinnik atuinermi
Atuutilissaaq 1. Januaari 2025 - V.1.0



§1	Aalajangersakkat nalinginnaasut.....	3
§2	Aallarnermut akigititaasoq	3
§3	Ilaasunut akigititaasoq.....	3
§4	Isumannaallisaanermut akigititaasoq	4
§5	Annikilliliineq	4
§6	Akiliisitsinnginneq	5
§7	Uninnganermut akigititaasoq	5
§8	Ammasitsinermut akigititaasoq.....	6
§9	Ukiumoortumik allagartat mittarfimmullu matoqqasumut minneq.....	7
§10	Imminut kiffartuulluni timmisartuussineq.....	7
§11	Akiliisarnermut piumasaqaatit.....	9
§12	Taarsiisussaataaneq.....	9
§13	Aalajangersakkat allat	9



§1 Aalajangersakkat nalinginnaasut

- Imm. 1 Silaannakkut angallassissutit qulimiguulinnut mittarfinnik timmisartunulluunniit mittarfinnik llanngussaq 1-imi taaneqartunik atuisut malittarisassiat uku malillugit akigititaasunik akiliutinillu taaneqartunik akiliuteqartassapput.
- Imm. 2 Akigititaasut akiliutillu tassaapput aallarnermut akigititaasoq, ilaasunut akigititaasoq, uninnganermut akigititaasoq, security-mut akigititaasoq kiisalu ammaanermut akigititaasoq.
- Imm. 3 Malittarisassiani akiliutit aningaasartaat taaneqartut tamarmik danskit koruuniupput.
- Imm. 4 Malittarisassiani ukunani "aallarnissamut oqimaannerpaaffissatut akuerineqartoq" tassaatinneqarpoq timmisinnaassuseqarnermut uppersagaq/timminermi quppersagaq (MTOW) tunngavigalugu aallalernermi kiilunngorlugit oqimaannerpaaffissatut akuerisaasoq.
- Imm. 5 Malittarisassiani ukunani "mittarfiit" tassaatinneqarput qulimiguulinnut mittarfiit timmisartunulluunniit mittarfiit.
- Imm. 6 Mittarfiit llanngussaq 1-imi taaneqartut ilaanni atuuffimmut/kiffartuussinermut akisussaaffik Greenland Airports allamut tunniussimappassuk illuatungeriit akornanni allamik isumaqatigiittoqarsimangippat akigititaasut akiliutillu pineqartumit aalajangersarneqartassapput. Akigititaasut akiliutillu pineqartumit aalajangersarneqartut atortuulersinneqannginneranni Mittarfeqarfinnit akuerineqassapput.

§2 Aallarnermut akigititaasoq

- Imm. 1 Timmisartup aallalernermi oqimaannerpaaffissaatut naatsorsorneqartoq tunngavigalugu aallarnerit tamaasa llanngussaq 2 malillugu akigititaasoq akilerneqassaaq, § 6-imi ilaatinneqanngitsut ilaatinngagit.
- Imm. 2 Aallarnermut akigititaasoq § 5 tunngavigalugu annikillineqarsinnaavoq.

§3 Ilaasunut akigititaasoq

- Imm. 1 Silaannakkut angallassissutit ilaasunut akiliutit aallartussanut tamanut akilerneqassaaq, akeqanngitsumik angalasut ilanngullugit, llanngussaq 3-mi akit tunngavigalugit, § 6-imi ilaatinneqanngitsut pinnagit.
- Imm. 2a Ilaasunut akigititaasoq timmisartuussisup sulisuinut akilerneqassanngilaq.



- Imm. 2b Ilaasunut akigititaasoq meeqqanut marluk inorlugit ukiulinnut akilerneqassanngilaq.
- Imm. 3 Kalaallit Nunaanni ilaasunut unitsiaannarlutik uteraluarlutik timmisartumik taassuminnga / ingerlaarfik taanna atorlugu aallarfirminniit tikinniarfivimminnut tikittunut akigititaasoq akilerneqassaaq. Akigititaasoq ilaasunut aallartussanut timmisartumullu allamut ikisussanut akilerneqassaaq. Ilaasoq aallartussaq tassaavoq ilaasoq mittarfimmit/qulimiguulinnut mittarfimmit pineqartumit angalanini aallartikkaa. Ilaasoq timmisartumut allamut ikisussaq tassaavoq ilaasoq mittarfimmi/qulimiguulinnut mittarfimmi timmisartumut/ qulimiguulimmut allamut ikisussaq (aqqutip normua allanngorluni).
- Imm. 4 Ilaasunut aqquusaaginnartunut nunatsinni ingerlaarfinni arlaleriarlutik mittarlutik ingerlaannartumik aqquusaartut mittarfimmut/qulimiguulinnut mittarfinnut aallarfiusumut taamaallaat akiluteqartitsisoqassaaq. Nunap iluani ingerlaarfimmi ataatsimi arlalinni miffiusuni ataatsimit amerlanerusunik timmisartumut allamut nuunnermi aappassaanik tullissaanillu timmisartumut allamut nuunnermi nutaamik ilaasunut akiluteqartoqassaaq. Ilaasoq aqquusaaginnartoq tassaavoq ilaasoq mittarfimmi/qulimiguulinnut mittarfimmi timmisartumut taassumunnga ilaalluni tikittoq aallaqqittorlu aqqutip normua taannaaginnarluni.

§4 Isumannaallisaanermut akigititaasoq

- Im. 1 Ilanngussaq 4 naapertorlugu ilaasunut isumannaallisaanermut akigititaasoq, §3 naapertorlugu ilaasunut akigititaasumut piumasaqaatit assigalugit, akilerneqassaaq. Ilaasut nassatallu piumasaqaatit Angallannermut Aqutsisoqarfiup aalajangersagai naapertorlugit sukkuulluunniit atuutsinneqartut isumannaallisaanermut akigititaasumut ilaatinneqarput. Silaannakkut angallasseqatigiiffiup misissuisarnerup oqartussaasut piumasaqaataannit qaffasinnerunissaa kissaatigippagu, tamatumunnga atatillugu aningaasartuutaanerusussanik akiliisitsinikkut aqqissuussisoqarsinnaavoq.

§5 Annikilliliineq

- Imm. 1 Aallarnermut akigititaasoq § 2-mi taaneqartoq pisuni makkunani annikillineqassaaq:
- A. Timmisartornermik ilinniarnermi aallarnermut siullermut aallarnermut akigititaasoq tamakkiisumik akilerneqassaaq, timmisartornermilli ilinniarnermi pineqartumi aallarnernut tulliuttunut (touch-and-go) akigititaasoq 70%-inik annikillineqassalluni.
- B. Sulisut pisinnaasaminnik puiguiumanatik timmisartunulluunniit nutaanut imaluunniit atortunut sungiussiniarlutik sungiusarlutik timmisartornerinut akigititaasoq 70%-inik annikillineqassaaq.

Imm. 1 malillugu annikilliliisoqassappat piumasaqaataavoq timmisartorneq allamut akunnilluni mikkallaqqaarani mittarfimmit ataasiinnarmit tingisoqartarlunilu aamma tassunnga mittoqartassasoq, immikkullu nalunaarut mittarfiup allaffianut



nalunaarutigineqassasoq, kiisalu taamatut timmisartorneq angallannermut allamut akornutaassanngitsoq.

§6 Akiliisitsinnginneq

- Imm. 1 Aallannermut akigititaasup aamma ilaasunut akigititaasup akilersinneqannginnissaa makkununga atuuppoq:
- A. Timmisartup timmisinnaassusianik paasiniaaneq siunertaralugu Angallannermut Aqut-sisoqarfiup peqqusineratigut misileraalluni timmisartorneq.
 - B. Timmisartumik teknikkikkut misileraalluni timmineq, inuussutissarsiutigalugu timmisartortartunit ingerlanneqartoq, akiliisunik ilaasoqarani akilikkanilluunniit useqarani. Aamma piumasaqaataavoq timmisartorneq mittarfimmut allamut minnani pissasoq.
 - C. Ujaasilluni annaassiniarlunilu timmisartorneq.
 - D. Teknikki pissutigalugu mittarfimmit tingigaluarluni mittarfimmut aallarfirmut utertariaqalerneq, teknikkikkut ajoquteqalerneq, sila taakkuluunniit assigisaat pissutigalugit.
 - E. Timmisartut Angallannermut Aqut-sisoqarfimmit Mittarfeqarfinniilluunniit pigineqartut attartorneqartulluunniit
 - F. Danskut nunallu allat sakkutuuisa timmisartui sakkutuujungitsut timmisartuutaannik nalunaarsuiffimmi ilaatinneqanngitsut.
 - G. Timmisartut nunat allat sinniisaannik imaluunniit Naalagaaffinni Peqatigiinni sulisunik assartuinnermut taamaallaat atorneqartut, kiisalu naalagaaffiit allat politiivisa, il-anngaaserisuisa nakkutilliusuisalu timmisartui.
 - H. Timmisartut ukiumoortumik allagartaqartut, tak. § 9.
- Imm. 2 Imm. 1, imm. a, b aamma c malillugit akiliinngitsoortitsisoqassappat piumasaqaataavoq mittarfiup allaffianut immikkut nalunaaruteqartoqarsimassasoq, kiisalu taamatut timmisartorneq angallannermut allamut akornutaassanngitsoq.

§7 Uninnganermut akigititaasoq

- Imm. 1 Timmisartup silami uninnganeranut llanngussaq 5 malillugu nal. ak. arfinillit siulliit kingorna nal. ak. 24-t aallartittut tamaasa uninnganermut akigititaasoq akilernerqartassaaq, taannalu timmisartup aallannermi oqimaannerpaaffigisassaatur akuerisaasoq (MTOW) tungavigalugu naatsorsorneqartassaaq.



- Imm. 2 Timmisartunut mittarfiup allaffianut siumoortumik isumaqatigiissuteqareernikkut isaterlugit suluiluunniit peqitsillugit uninngatinneqartunut uninnganermut akigititaasup atuuttup 50%-iilik akikillisaasoqassaaq.
- Imm. 3 Pissutsit tamanna pisariaqalersippassuk mittarfiup allaffiata sukkulluunniit piumasarinnaavaa timmisartuq uninngaarfimmut innersuussutigineqaqqaartumit allaasumut nuunneqassasoq. Timmisartup piginnittua (atusua) pisussaavoq timmisartup pituttorneqarnissaa isumagissallugu, pissutsillu pisariaqartitsinerat, imaluunniit mittarfimmik aqutsisut peqqusissutigisinnaasaat naapertorlugit isumannaallisaataasunik iliuuseqassalluni, matumani unnuaanerani qullilersuineq ilanngullugu.
- Imm. 4 Uninnganermut akigititaasup akilerneqarnerata nunaminertamik timmisartup uninngavippiaanik taamaallaat atuisinnaatitaanermik nassataqarpoq.
- Imm. 5 Illorsuarni timmisartuussivissuarniititsinermi mittarfiup pisortaqatigiivi immikkut isumaqatigiissuteqarfialugit attartornermut akiliutit akilerneqassapput.
- Imm. 6 Uninnganermut akigititaasooq piffissamut aalajangersimasumut sapaatit akunneranit ataatsimit sivikinnerunngitsumik attartornermut pineqartillugu attartornermut akigititaasumik taarserneqarsinnaavoq, taannalu mittarfimmik aqutsisoqarfik isumaqatigiissuteqarfigereerlugu aalajangersarneqassaaq. Attartornermut akigititaasooq siumoortumik akilerneqartassaaq, utertillugulu akilerneqartussaananani. Attartukkamik allamut attartortitsineq inerteqquataavoq.

§8 Ammasitsinermut akigititaasooq

- Imm. 1 Mittarfiup nalinginnaasumik ammasarfiata avataatigut timmisartuussineq mittarfiup allaffianit akuerineqarluni pisinnaavoq §10-mi atortitsinnginnerit taaneqartut naapertorlugit, akiliutigineqartussat akiliinissallu saniatigut ilanngussaq 6 tunngavigalugu ammaanermut akiliisoqassalluni.
- Imm. 2 Ammaanermut akigititaasooq timmisartut ataasiakkarlugit akilerneqartassaaq, mittarfik ammatinneqassasoq inniminniisoqareersimagaluarpuunniit.
- Imm. 3 Timmisartuusseqatigiiffik ammaasoqarnissaanik inniminniisimappat ammaaneq taanna ingerlatseqatigiiffiup timmisartuinut attartugaanullu tamanut atuutissaaq. Ammaanermut akigititaasooq timmisartumut akigititaasut qaffasinnerpaamik akiliuteqartussamut akilerneqassaaq.
- Imm. 4 Timmisartuq angallannermut pilersaarussiaq nassiunneqarsimasooq tunngavigalugu mittarfimmit allamit pilersaarutaasut malillugit kingusinnerusukkulluunniit aallarsimappat nalinginnaasumillu ammasarfik sioqqullugu minnissani naatsorsuutigippagu ammaanermut akigititaasooq imm. 1-imi taaneqartoq akilersinneqassanngilaq, mittarfiup



tikiffissap sulisui sulilereersimappata, timmisartorlu pissutsit nalinginnaasuuppata nalinginnaasumik ammasarfiup iluani tikissimasussaagaluarpat.

- Imm. 5 Danskít sakkutuuisa timmisartuisa sakkutuujungitsut timmisartuinik nalunaarsuiffimmi ilaatinneqangitsut ammasoqarnissaanik inniminniisoqareersimagaluarpalluunniit ammaanermut akigititaasoq llanngussaq 6, B malillugu akilissavaat, 50%-inik akikillillugu.
- Imm. 6 Timmisartut Angallannermut Aqutsisoqarfiup aamma Greenland Airports pigisaasa attartugaasaluunniit ammaanermut akigititaasoq akilertartussaangilaat.

§9 Ukiumoortumik allagartat mittarfimmullu matoqqasumut minneq

- Imm. 1 Timmisartunut aningaasarsiutigalugu timmisartornermut, namminerisamik timmisartornermut imaluunniit peqatigiiffiit timmisartornerinut taakkuluunniit assigisaannut atorneqangitsunut, llanngussami 7-imi akit allatorneqarsimasut atorlugit, mittarfiup allaffianut saaffiginnikkut mittarfinnut llanngussaq 1-imi mittarfinnut taaneqartunut timmisartortarnissamut ukiumoortumik allagartalerneqarsinnaapput.
- Imm. 2 Ukiumoortumik allagartaq mittarfimmut ataatsimut imaluunniit mittarfinnut tamanut llanngussaq 1-imi taaneqartunut atugassatut tunniunneqarsinnaavoq.
- Imm. 3 Timmisartumut ataatsimut ukiumoortumik allagartat arlallit tunniunneqarsinnaapput, tamarmik immikkut mittarfimmut aalajangersimasumut atuuttut.
- Imm. 4 Ukiumoortumik allagartaliinermi aallarnermut akigititaasoq, aqqusaarnermut akigititaasoq ilaasunullu akigititaasoq piffissamut allagartap atuuffianut atuuttoq akilerneqareertarput.
- Imm. 5 Ukiumoortumik allagartaq qaammatsiutit malillugit ukiumi allagartaliiffiusumi 31. decemberip tungaanut atuuttussatut tunniunneqartarpoq.
- Imm. 6 Imm. 1-imi piumasaqaatit unioqquteqattaarneqarpata ukiumoortumik allagartaq arsaarinnissutigineqassaaq.

§10 Imminut kiffartuulluni timmisartuussineq

- Imm. 1 Mittarfiit llanngussami 1-imi taaneqartut (Nerlerit Inaanni, Narsarsuarmi, Uummannami/Qaarsuni Sisimiunilu mittarfiit pinnagit) llanngussaq 6 malillugu ammaanermut akigititaasoq akilersinngikkaluarlugu nalinginnaasumik ammasarfiit avataasigut miffiginneqarsinnaapput, makkuninnga atugassaqaartitsiviusumik:
- A. Minnissamut akuersissut mittarfiup allaffianit pissarsiarineqarsimassaaq.
- B. Mittarfik ingerlaavartumik nalunaarfigineqartassaaq aallarnerit qassit "imminnut



kiffartuunnertut ittunik atugassaqartitaalluni” ingerlanneqarsimanersut, § 13 imm. 4 malillugu.

- C. Mittarfik kiffartuussissanngilaq, matumani aputaajaasoqannginnissaa, sila pillugu
- D. paasissutissiisoqannginnissaa imaluunniit mittarfiup qullilerisoqannginnissaa
- E. ilanngullugit.

Imm. 2 Imm. 1 a-mi, b-mi c-milu piumasaqaatit eqqortinneqarnissaat piumasaqaatigalugu, ammaanermut akigititaasoq akilersinnagu mittarfinnut imm. 1-imi taaneqartunut imatut mittoqarsinnaavoq:

- A. Timmisartumut mittarfimmut minnissamik kissaateqartumut ukiumoortumik allagartamik tunniussisoqarsimassaaq
- B. Annaassiniarnermi ujarlerner miluunniit timmisartuussinerussaaq.
- C. Timmisartorneq tassaassaaq danskit nunalluunniit allat sakkutuuisa sakkutuujunngitsut timmisartuinik nalunaarsuiffimmi ilaanngitsut timmisartuat atorlugu timmisartorneq.
- D. Timmisartornermik ilinniarneq.
- E. Sulisut pisinnaasaminnik puiguiumanatik timmisartunulluunniit nutaanut imaluunniit atortunut sungiussiniarlutik sungiusarlutik timmisartornerat.
- F. Teknikkimik misileraalluni timmisartorneq.
- G. Timmisartut Angallannermut Aqutsisoqarfimmit Mittarfeqarfinnulluunniit pigineqartut attartorneqartulluunniit.
- H. Ilaasoqarani useqaraniluunniit timmisartorneq/timmisartumik nuussineq.

Imm. 3 Imm. 1 a-mi, b-mi c-milu piumasaqaatit eqqortinneqarnissaat piumasaqaatigalugu Uummannamut/Qaarsunut, Nerlerit Inaannut Kulusummullu imatut mittoqarsinnaavoq, ammaanermut akigititaasoq akilersinnagu:

- A. Danskit nunalluunniit allat sakkutuuisa sakkutuujunngitsut timmisartuinik nalunaarsuiffimmi ilaanngitsut timmisartui.



§11 Akiliisarnermut piumasaqaatit

- Imm. 1 Mittarfimmit allamit aallanngitsiarnermi minngitsiarnermilu, tamanna sioqqullugu allamik isumaqatigiissuteqartoqarsimangippat, timmisartup piginnittua, ingerlatitsisua sinniisaaluunniit mittarfiup allaffianut saaffiginnissaaq.
- Imm. 2 Akigititaasut akiliutillu malittarisassiani ukunani pineqartut pilersaarutaasumik timmisartornissat tamaasa sioqqullugit mittarfiup allaffianut aningaasangorlugit akilerneqartassapput. Akiliutinik nalinginnaasunik (kreditkortinik) akiliineq aningaasangorlugit akiliinertut isigineqarpoq.
- Imm. 3 Timmisartuutileqatigiiffiit inuilluunniit ataasiakkaat mittarfimmut akuttunngitsumik mittarpata Greenland Airports aningaasaqarnermut immikkoortorta qarfiat akinik akiliutinillu akiligassanngorsimasunik piffissakkaartumik akiliisarnissaq pillugu isumaqatigiissuteqarfigineqarsinnaavoq.
- Imm. 4 § 11, imm. 3 malillugu isumaqatigiissuteqarnermi akiliinissamut piumasaqaataavoq taakku ullut 14-it ingerlaneranni ilanngaattissat ilanngaatigereerlugit akilerneqassasut, tamatuma kingorna ullut 14-kkaat aallartinnerini fakturap aningaasartaasa 1,5%-ii ilassutigineqartassapput.
- Imm. 5 Ullut 14-t qaangerlugit akiitsoqalernerne fakturap aningaasartai allakkanik nukingisaarutini nassiussinermut akiliummik ilaneqartassapput, takuuk llanngussaq 8.
- Imm. 6 Akiliinngitsoortoqartillugu timmisartuussisarneq pillugu inatsimmi §146-mi unerartisisinnaatitaaneq pillugu aalajangersakkat atuutilissapput.

§12 Taarsiisussaataaneq

Timmisartup mittarfimmiinnerani tillinniartoqarsimappat, arlaatigulluunniit timmisartumi, atortuini, ilaasut akornanni, usingiaanermi il.il. ajoqusertoqarsimappat soorlu ikuallannerne imermilluunniit pissuteqartumik mittarfiit ataasiakkaat akisussaatinneqarsinnaanngillat.

§13 Aalajangersakkat allat

Tunngaviusumik aningaasaqarnikkulluunniit sunniteqanngitsunik pisoqartillugu malittarisassiat uku Greenland Airports atuutinginnissaat immikkut akuersissutigisinnaavaat.



- Imm. 1 Greenland Airports immikkoorluinnartumik niuernerpalaartumik ingerlatsinermik tunngavilersukkamik piffissap aalajangersimasup iluani akitsuutit akikillisaaffigineqarsinnaanerat akuerisinnaavaa.
- Imm. 2 Greenland Airports mittarfinni qulimiguullillu mittarfiini ammasarfiit ingerlaavartumik allangortissinnaavai. Allanguinerit timmisartuutilinniit tunngaveqavissumik qinnuteqaateqarnerup Mittarfeqarfimmullu niuernerpalaartumik tunngassuteqartumik naleqarnissaa aallaavigalugu ammasarfinnik allannguisinnaavoq.
- Imm. 3 Ammasarfinnik allunnguissamat naliliiniarnermi attuumassutilimmik, naligisarsiumigutsumik erseqqarissumik tunngaveqartumik naliliisoqartassaaq.
- Imm. 4 Timmisartuutilik mittarfimmut tikinnermit aallarnermiillu kingusinnerpaamik akunnerit 24-it qaangiunneranni ilanngussaq 1 imm. A B-lu naaportorlugit tamakkiisumik paasissutissiissaaq DTS-format malillugu (ilanngussaq 9). Paasissutissat pineqartut akunnerit 24-it iluanni nassiunneqanngippata timmisartup taamaattup nalinginnaasumik issiavilersorneqartarnera naaportorlugu akit aalajangersorneqassapput. Issiavilersorneq ilumoortoq akunnerit 24-it qaangiunneranni issiaviit amerlassusaat malittarisassat malillugit ilisimatitsissutigineqarpata timmisartuutilik utertitsivigineqarsinnaanngilaq.
Akigitinneqartut pillugit misissuisoqarpat timmisartuutilik qulaani piumasaqaatit naaportornerannik minnermi aallalernermilu uppersaasannaajuassaaq. Mittarfeqarfinnit piumasarineqarpat Loadsheet aamma nassiunneqassaaq. Loadsheet-imilli Greenland Airports piumasaqaataa timmisartuussinerit kingusinnerpaamik ullut 60-it qaangiunneranni piumaneqarsinnaavoq.
- Imm. 5 Eqqunngitsumik ilisimatitsinerit ullunillu killiliussanik atuutsitsinerit pillugit timmisartuutilip timmisartuutilimmillu sullissisup akornanni aaqqiagiinngissuteqarnerit taakku akunnerminni isumagineqassaaq taamalu timmisartuutilip Mittarfeqarfinnut akiliisussaananeranut sunnuteqassanani.
DTS-imut ilanngussinerit saniatigut angallannermut paasissutissat IATA-mik nalunaarutit (ilanngussaq 10) Greenland Airports Airport Operatinal DataBase-ianut (AODB, Airport 20/20) aamma nassiunneqassaaq akit akiliisarnerlu pillugit malittarisassani piumasaqaatit naaportorlugit.

Malittarisassiaq una 1. januaari 2025 aallarnerfigalugu atortuulersinneqassaaq.

Greenland Airports

Nuuk, ulloq 17/01-2024

Niels Grosen